

Orden EDU/255/2020, de 4 de marzo, (BOCyL de 6 de marzo)

CUERPO:	0590
ESPECIALIDAD:	003
PRUEBA:	PRÁCTICO
TURNO:	5

1. TEXTO EN PROSA PARA TRADUCIR SIN DICCIONARIO

M. T. Ciceronis *Ad Familiares epistulae Liber VI, 14* (noviembre 46 a.C.). L. C. Purser, Ed.

XIV. Scr. Raomae a.d. V Kal. Intercal. Priores a. V.c 708

CICERO LIGARIO.

Me scito omnem meum laborem, omnem operam, curam, studium, in tua salute consumere; nam cum te semper maxime dilexi, tum fratrum tuorum, quos aequatque te summa benevolentia sum complexus, singularis pietas amorque fraternus nullum me patitur offici erga te studique munus aut tempus praetermittere. Sed quae faciam fecerimque pro te, ex illorum te litteris quam ex meis malo cognoscere; quid autem sperem aut confidam et exploratum habeam de salute tua, id tibi a me declarari volo. Nam si quisquam est timidus in magnis periculisisque rebus semperque magis adversos rerum exitus metuens quam sperans secundos, is ego sum et, si hoc vitiumst, eo me non carere confiteor; [2] ego idem tamen, cum a. d. V. Kal. intercalaris priores rogatu fratrum tuorum venissem mane ad Caesarem atque omnem adeundi et conveniendi illius indignitatem et molestiam pertulisse, cum fratres et propinquai tui iacerent ad pedes et ego essem locutus, quae causa, quae tuum tempus postulabat, non solum ex oratione Caesaris, quae sane mollis et liberalis fuit, sed etiam ex oculis et vultu, ex multis praeterea signis, quae facilius perspicere potui quam scribere, hac opinione discessi ut mihi tua salus dubia non esset. 3 Quam ob rem fac animo magno fortique sis et, si turbidissima sapienter ferebas, tranquilliora laete feras. Ego tamen tuis rebus sic adero, ut difficillimis neque Caesari solum sed etiam amicis eius omnibus, quos mihi amicissimos esse cognovi, pro te, sicut adhuc feci, libertissime supplicabo. Vale.

Orden EDU/255/2020, de 4 de marzo, (BOCyL de 6 de marzo)

2. TEXTO EN PROSA PARA TRADUCIR CON DICCIONARIO (COMENTARIO SINTÁCTICO Y DE REALIA)

T. Livii *Ab Urbe condita liber IV*, 4. J. Bayet, Ed.

[4] "At enim nemo post reges exactos de plebe consul fuit. Quid postea? Nullane res nova institui debet? Et quod nondum est factum —multa enim nondum sunt facta in novo populo—, ea ne si utilia quidem sunt fieri oportet? Pontifices, augures Romulo regnante nulli erant: ab Numa Pompilio creati sunt. Census in civitate et discriptio centuriarum classiumque non erat: ab Ser. Tullio est facta. Consules nunquam fuerant: regibus exactis creati sunt. Dictatoris nec imperium nec nomen fuerat: apud patres esse coepit. Tribuni plebi, aediles, quaestores nulli erant: institutum est ut fierent. Decemviros legibus scribendis intra decem hos annos et creavimus et e re publica sustulimus. Quis dubitat quin in aeternum Urbe condita, in immensum crescente nova imperia, sacerdotia, iura gentium hominumque instituantur? [5] Hoc ipsum, ne conubium patribus cum plebe esset, non decemviri tulerunt paucis his annis pessimo[exemplo] publico, cum summa iniuria plebis? An esse ulla maior aut insignitior contumelia potest quam partem civitatis velut contaminatam indignam conubio haberi? Quid est aliud quam exsiliūm intra eadem moenia, quam relegationem pati? Ne adfinitatibus, ne propinquitatibus immisceamur carent, ne societur sanguis. Quid? Hoc si polluit nobilitatem istam vestram, quam plerique oriundi ex Albanis et Sabinis non genere nec sanguine sed per cooptationem in patres habetis, aut ab regibus lecti aut post reges exactos iussu populi, sinceram servare privatis consiliis non poteratis, nec ducendo ex plebe neque vestras filias sororesque ecnubere sinendo e patribus? Nemo plebeius patriciae virginī vim adferret; patriciorum ista libido est; nemo invitum pactionem nuptialem quemquam facere coegisset. Verum enimvero lege id prohiberi et conubium tolli patrum ac plebis, id demum contumeliosum plebi est. Cur enim non fertis ne sit conubium divitibus ac pauperibus? Quod privatorum consiliorum ubique semper fuit, ut in quam cuique feminae convenisset domum nuberet, ex qua pactus esset vir domo, in matrimonium duceret, id vos sub legis superbissimae vincula conicitis, qua dirimatis societatem civilem duasque ex una civitate faciatis. [...]".

-
- Comentario sintáctico de los fragmentos subrayados con línea simple.
 - Comentario de *realia* de las palabras o grupos de palabras subrayados con doble línea.

Orden EDU/255/2020, de 4 de marzo, (BOCyL de 6 de marzo)

3. TEXTO EN VERSO PARA TRADUCIR CON DICCIONARIO (COMENTARIO MÉTRICO Y FONÉTICO)

T. Lucreti *De Rerum Natura liber I*, 921-950. E. Valentí, Ed.

<i>Nunc age quod superest cognosce et <u>clarus</u> audi. Nec me animi fallit quam sint obscura; sed acri percussit thyrso laudis spes magna meum cor et simul incussit suavem <u>mi</u> in pectus amorem Musarum, quo nunc instinctus menti vigenti avia Pieridum peragro loca nullius ante trita solo. Iuvat integros accedere <u>fontis</u> atque haurire, iuvatque novos decerpere flores insignemque meo capiti petere inde coronam unde prius nulli <u>velarint</u> tempora Musai;</i>	925
<i>primum quod magnis doceo de rebus et artis religionum animum nodis exsolvere pergo, deinde quod obscura de re tam lucida pango carmina, musaeo contingens cuncta lepore. Id quoque enim non ab nulla ratione videtur;</i>	930
<i>Sed veluti pueris <u>absinthia</u> taetra medentes cum dare conantur, prius oras pocula circum contingunt mellis dulci flavoque liquore, ut puerorum aetas improvida ludificetur laborum tenus, interea perpotet amarum absinthi laticem deceptaque non capiatur, sed potius tali pacto recreata <u>valescat</u>,</i>	935
<i>sic ego nunc, quoniam haec ratio plerumque videtur tristior esse quibus non est tractata, retroque <u>volgus</u> abhorret ab hac, volui tibi <u>suaviloquenti</u> carmine Pierio rationem exponere nostram et quasi musaeo dulci contingere melle, si tibi forte animum tali ratione tenere versibus in nostris possem, dum perspicis omnem naturam rerum qua constet compta figura.</i>	940
<i>Sed quoniam docui solidissima <u>materiae</u> Corpora perpetuo volitare invicta per aevom, Nunc age, summai quaedam sit finis eorum Necne sit, evolvamus; item quod inane <u>repertum</u>st</i>	945 950

Orden EDU/255/2020, de 4 de marzo, (BOCyL de 6 de marzo)

*Seu locus ac spatium res in quo quaeque gerantur,
Pervideamus utrum finitum funditus omne
Constet an immensum pateat vasteque profundum.* 955

- Comentario fonético-morfológico de las palabras subrayadas.
- Mídanse los diez primeros versos.